

Тасаввур қил бир куни...

15:33 / 28.04.2017 2205

Суюкли дўстим!

Тасаввур қил, бироздан сўнг ҳузурингга Пайғамбаримиз Муҳаммад соллаллоҳу алайҳи ва саллам кириб келадилар...

Сен ҳеч хаёлингга келтирмаган ташриф...

Нима қилган бўлардинг?

Ахир у зот бу ер устида юрганларнинг энг яхшиси... Бу оламда ўтган жамики ҳукмдорлару донишмандларнинг энг афзали... Раҳмоннинг суюкли Халили соллаллоҳу алайҳи васалламдирлар...

Ана ўша зот сенинг эшигинг остонасида турибдилар... Сени зиёрат қилмоқчилар...

Сен аввал ўйлаб кўр...

Ҳозир нима қиласан?

Бугун ҳаётимдаги энг баҳтиёр куним, ахир кимсан пайғамбаримиз бизнига келдилар деганингча, унутилмас бўлган ушбу дамларда кўзларингдан ҳаяжон ва хурсандчилик ёшлари билан у зотга пешвоз чиқарсан?

Ёки бироз тараддулланиб қолиб, жавонингда қалашиб ётган турли туман чет эл қўшиқчиларининг хонишлари ёзилган кассеталар ўрнига Қуръони Карим тиловати, фойдали мавъизалар ёзилган кассеталарини териб қўйиш учун югуриб қоласанми?

Беҳаё, зулму- зўравонликни тарғиб қилувчи, мазмунсиз видео кассеталарингни ҳам яширасан?

Хонанг деворларини тўлдириб ётган беҳаё суратларни-чи?

Уларни ҳам кўчириб, улоқтириб ташлайсанми?

Ахир Росулулллоҳ саллаллоҳу алайҳи ва саллам бу манзарани кўрсалар кўпам хурсанд бўлмасалар керак!!!

Юваниш хонасидаги тиш чўткаларинг ёнига пайғамбаримиз суннатларига эргашаётганингни билдириш ва у зотга эҳтиромингни зоҳир қилиш учун мисвокни ҳам қўйиб қўясанми?

Сенчи, муслима синглим!!!

Қандай кутиб оласан Росулуллоҳни ?!

Балки неча йиллардан бери ўзингга ор билиб, қарор қилолмай юрганинг шаръий либосингни ўшандада ўраб чиқарсан?

Ё шундай ақволингда, соchlаринг бир алфозда турмакланган, эгнингда тор кийимлар, юзингга турли бүёклар чапланганича қарши оласанми у зотни? Сени бундай ҳолатда топсалар уй сохибаси муслима қиз эканлигини биларминалар?

Ёки исломий одоб - ахлоқни энг оддий кўринишларидан ҳам бенасиб бўлган овруполик бир актисани эшигини қоқибман шекилли, деган гумонга борармикинлар?

Ота -онангга ҳам эҳтиром ва улар ёқтирган сўзлар ила муомалада бўласанми?

Уларни ҳар бир айтган юмушларига сўзсиз итоат этасанми?

Ёки уларга Росууллоҳни зиёратларидан олдин бўлганинг каби уларга бақириб, қўрслик қилиб, уларнинг буйруқларига итоатсизлик қилишда давом этасанми?

Ва бу ишларинг билан Аллоҳ ва Росулини кўрсатмаларига осийлик қиласанми?

Агар Сарвари коинот сендан: Мен сендан бамдод намози, жамоат намозлари, тунги намозларида қоим бўлиш ҳақида сўрамайман, чунки, шубҳасиз, булар сенинг ҳаётингда муҳим ўрин тутган ишлардир, шундай эмасми? деб сўраб қолсалар нима деб жавоб қилар экансан?

Ўша вақтда нимани ҳис қиласан?... Уятми? Хижолатми? Афсусланишми?...

Ёки буларнинг барига мунофиқقا ўхшаб бепарволарча тиржайиб тураверасанми?

Сени неча ойлардан бери бамдод намозини адо этмаётганингни билиб қолсаларми...

Умринг бино бўлиб атиги бир марта Қуръонни қўлингга олиб ўқиганинг ҳақида дўстларингга мақтаниб юрганинг ҳақида хабар топсалар нима дер эканлар...

Сенга қараб: -Қойил, сен Ислом ва мусулмонларнинг фахрисан, дермикинлар ёки ғазабдан юzlари қизарганича уйингни ташлаб чиқиб кетармикинлар...

Нима деб уйлайсан?

Сайийдимиз билан нима ҳақида суҳбат қурасан?

Мусулмонларни бугунги кунда олам узра чекаётган аламлари, зулму-жафолари ҳақидами?...

Ёки дин илмлари... Мусулмонлар тарихи... Умматни келажаги, диний ва дунёвий, илмий ва амалий ривожланиши, тараққиёти ҳақидами?

Ё сен ҳозиргина телефонда гаплашган, доим бирга концертлару клубларга борадиган дўстинг ҳақида сўзлаб берасанми?

Ёки Россиядаги қўшиқчилар гурӯҳи ҳақидаги охирги миш-мишларни...

Ҳиндистонлик кино юлдузи... Италиялик ўйинчининг сочи ҳақидаги қиссани айтиб берарсан...
Балки футбол бўйича охирги натижаларни...
Ресторанлардаги турли таомлар, ичимликлар тури ҳақида ҳикоя қиласан...

Азиз дўстим!
Сен буларни кўз олдингга келтириб кўрдингми?
Ёки ушбу калималарга фақатгина эътиборсизлик билан кўз югуртириб қўйдингми?
Ўтган умрга озгина бўлсада надомат чекдингми?
Сен Росууллоҳ соллаллоҳу алайҳи ва салламнинг бир зумлик зиёратлариға ҳали тайёр эмаслигингни ҳис этдингми?
Бундан ҳам кўра Аллоҳ таолони ҳар лаҳза, туну-кун сени кузатиб турганини, лекин шу билан бирга кундузги гуноҳларни кечаси, кечаси қилинган гуноҳларни кундузи кечириш учун тавба эшикларини очиб қўйганини ёдингдан чиқардингми?.
Ул зот туннинг иккинчи ярмида сўраганга ато этувчи, мағфират сўраганнинг тавбасини қабул этгувчиидир.

Сенга нима бўлдики, қалбинг қотиб қолибди... Кўнглинг қорайиб кетибди...
Сендан қочаётган дунёнинг ортидан қувиб юрибсан...
Аллоҳ таъоло сенга ҳар куни очаётган минглаб тавба ва муножот эшикларидан эса юз ўгириб қочмоқдасан...

Азиз дўстим!
Хеч шубҳасиз, сен Қиёмат куни ушбу рисолани эслайсан. У кунда сен икки кишининг бири бўласан:

Ё рисолани ўқигач, ҳаётини яхшилик тарафига ўзгаришига сабаб қилгани учун Аллоҳга ҳамд айтган саодатли кишига айланасан...
Ёки ўқиган бўлсада унга амал қилмаган, оқибатда ушбу рисола Қиёмат куни Аллоҳнинг ҳузурида унинг заарига ҳужжат бўлиб қолгани сабаб қаттиқ надоматга учраган баҳтсиз кишига айланасан...

Азиз дўстим! Мұхтарама синглим!

Вақтлар ўтиб қолмасдан аввал тавбага шошилгин, Аллоҳ сендан рози бўлсин.